

կարմիր դրոշակի սպարապետութիւնը, կապոյտ դրոշակի սպարապետութիւնը եւ դեղին դրոշակի սարապետութիւնը կամ աւելի կարճ՝ կարմիր, կապոյտ եւ դեղին սպարապետութիւններ: Ըստ այդմ իւրաքանչիւր բանակն ունի իր յատուկ տարազն ու նշանները. օրինակի համար, կարմիր սպարապետութեան նշանն է, սպարապետից մինչեւ զինուորը, կարմիր մորթի գլխարկ եւ կարմիր կապա (իդ, մձե, մձգ, մձէ): Միւս նշանները տարբեր են:

Նմուշի համար բերենք այստեղ կարմիր բանակի համար տահմանուած բոլոր նշաններն ու տարազը, իր իսկ հեղինակի նկարագրութեամբ: Դրոշակն ու գլխարկը կարմիր են, իսկ մնացած բոլոր պատկանելիքները կապոյտ: Այսպէս —

«Սպարապետն ուրար կապուտ պարանոց ի թիկնամէջն:

Գնդապետն\*) փունջ կապուտ ի վերայ գըտակի:

Ասպետն փունջ կապուտ ի վերայ երկու յուսուց իւրոց:

Հազարապետն համար պետութեան իւրոյ նուժբրով ի վերայ յուսոյ կապուտ:

Հարիւրապետն երիս չուան կապուտ գոյնաւոր ի մի կանգունաչափ սպրշմէ յուսին կախ:

Տասնապետն մի չուան ի մի կանգունաչափ կապուտ յուսէն կախ, նիզէն ի ձեռն իւր, սուր ընդ մէջ:

Ամենայն զինուոր ի ներքոյ իմբին կարմիր սպարապետին տանիցէ նուժբն հազարապետին իւրոյ, կապուտ թելով քաշած ի վերայ կապի քամակին իւրոյ, որ ծանիցէ որում հազարապետի է այս» (մձը):

Հայկական զորքի գերագոյն պետը Աղբ. Ժողովն է, որը սակայն հրամայում ու կար-

գաղրում է հանր. նախագահի միջոցով: Այսպիսով նրա փաստական պետը հանդիսանում է հանր. նախագահը, որը իր հրովարտակով բանակները յանձնում է սպարապետների անմիջական կառավարութեանը, բայց իր ձեռքում պահելով զորքի բարձրագոյն հրամանատարութիւնը թէ՛ պատերազմի եւ թէ՛ խաղաղ ժամանակ (զբ, միք):

Հայոց զորքի մէջ չկան սպայութեան եւ հրամանատարական կազմի այն բազմազան ու բազմաթիւ աստիճանաւորումները, որ մենք հանդիպում ենք — ինչպէս օրինակ — ցարական Ռուսաստանի բանակում: Այդ աստիճանաւորումները համեմատաբար շատ զարդ են եւ ներկայացնում են վերից վար հետեւեալ պատկերը — նախագահ, սպարապետ, (չնդապետ), ասպետ (միայն հեծելազորի մէջ), հազարապետ, հարիւրապետ, տասնապետ եւ զինուոր (միք):

Այդ բոլոր պաշտօնները, բացի զինուորից, տասնապետից եւ հարիւրապետից, ինչպէս տեսանք, ընտրում են Աղբ. Ժողովից եւ երեք տարի ժամանակով: Հարիւրապետի պաշտօնը չզիտենք՝ ընտրովի՞ է, թէ ոչ, եւ եթէ այո՛, ո՞ւմ կողմից. սակայն որոշ է որ նա եւս ընտրւում կամ նշանակւում է երեք տարով: Միայն տասնապետութիւնն է, որ երեք տարով չէ, բայց նոյնպէս անորոշ է, թէ ի՞նչ ձեւով է տրւում այդ պաշտօնը — ընտրութեամբ թէ՞ նշանակելով (միս):

Եթէ ըստ Շահամիրեանի՝ Աղբ. Ժողովը իրեն է վերապահում հրամանատարական կազմի ընտրութիւնը — դա պէտք է բացատրել այն հասկանալի պատճառով, որ նա, Աղբ. Ժողովը, իրեն նկատում է որպէս ազգի լիազօր ներկայացուցչութիւնը, հետեւաբար եւ որպէս բանակի լիակատար տէրը:

Ինչ վերաբերում է հեղինակի առաջարկած զինուորական օրէնքներին ու կարգապահութեանը, պէտք է ասել, որ նրանց ոգին, ժամանակի համեմատութեամբ, ընդհանրապէս բաւական մեղմ է, մարդասէր: Ապացոյց դրան, որ կտրուկ սահման է դրուած մեծերի բոլոր քմահաճոյքներին ու կամայականութիւններին, որովհետեւ նախ՝ ամէն ինչ ճշգրտուած է օրէնքով, երկրորդ՝ ամէն մի

Սոյն պաշտօնի էութիւնն ու ընտրութիւնը ոչ մի տեղում սահմանուած չենք գտնում. սակայն, թէ՛ այստեղ եւ թէ՛ հրամանատարական կազմի աստիճանաւորման մէջ նա միշտ յիշատակւում է սպարապետից անմիջապէս յետոյ, որից պիտի ենթադրել, որ նոյնպէս Աղբ. Ժողովից է ընտրւում եւ բանակի հետեւակ զորքերի անմիջական պետն է (մձը, յէ):